

Հիմնավորում

Մասիս քաղաքային համայնքի ավագանու 24.12.2020թվականի 2021 թվականի բյուջեն հաստատելու մասին թիվ 171-Ն որոշմանը կից թիվ 1, 2, 3 և 4 հավելվածներում փոփոխություններ կատարելու մասին որոշման ընդունման

1. Մասիս քաղաքային համայնքի 2021 թվականի բյուջեում փոփոխություններ կատարելու անհրաժեշտությունը

2021 թվականի համայնքի բյուջեում փոփոխությունների անհրաժեշտությունը պայմանավորված է 2021 թվականի բյուջեն հաստատելուց հետո առաջացած մի շարք խնդիրներով ինչպես նաև կապիտալ աշխատանքների համար ձեռք են բերվել նոր նախագծա-նախահաշվային փաթեթներ, որոնց իրականացման համար անհրաժեշտ են բյուջեի համապատասխան ծրագրերում նախատեսել ֆինանսական միջոցներ:

2. Առկա խնդիրների նկարագրությունը

Մասիս քաղաքի երկրորդային փողոցները գտնվում են շատ անբարեկարգ վիճակում և անձրևների ժամանակ անհնար է դառնում հետիոտների և տրանսպորտային միջոցների ազատ տեղաշարժը: Քաղաքի 12 փողոցներ խիստ կարիք ունեն խճապատման, հարթեցման, որից նախատեսվում է 16 200 քմ հարթեցման աշխատանքներ և 9 600 քմ խճով փոսալցման-հարթեցման աշխատանքներ: Նշված աշխատանքների իրականացման համար՝ համաձայն համապատասխան միավոր գնի և ծավալային հաշվարկների անհրաժեշտ է ֆոնդային բյուջեից հատկացնել 9986,9 հազար դրամ:

Մասիս քաղաքի Նոր թաղամասի թիվ 3, 4, 5 շենքերի բակերի ասֆալտ-բետոնյա ծածկույթը ժամանակի ընթացքում քայքայվել և դարձել է անբարեկարգ, որն անհարմարություններ է ստեղծում շենքերի բնակիչների համար: Բակերի բարեկարգման աշխատանքների իրականացման համար ձեռք է բերվել նախագծա-նախահաշվային փաթեթ, որի նախահաշվային արժեքը կազմում է 4524,13 հազար դրամ:

Մասիս քաղաքի բազմաբնակարան շենքերի բակերի խաղահրապարակներում խաղային սարքավորումները երկար տարիների շահագործումից մաշվել, կոտրվել, վտանգավոր են դարձել երեխաների համար և կարիք ունեն հիմնանորոգման: Նշված աշխատանքները քաղաքի բազմաբնակարան շենքերի թվով 7 բակերում իրականացնելու համար ձեռք է բերվել նախագծա-նախահաշվային փաթեթ, որի նախահաշվային արժեքը կազմում է 12490,32 հազար դրամ:

Մասիս քաղաքային համայնքի վարչական տարածքում գտնվող ինքնաշատրվանող հորերից երկուսը գտնվում են վթարային վիճակում և կարիք ունեն հիմնանորոգման՝ հետագա շահագործումն ապահովելու նպատակով: Հիմնանորոգման համար անհրաժեշտ է պատվիրել նախագծա-նախահաշվային փաթեթ: Շուկայի ուսումնասիրությունից պարզվել է, նախագծա-նախահաշվային աշխատանքների արժեքը մեկ ինքնաշատրվանող հորի համար կազմում է մոտավոր 500000 դրամ, երկու հորերի նախագծա-նախահաշվային աշխատանքների համար անհրաժեշտ կլինի մեկ միլիոն դրամ:

Մասիս քաղաքի “Գեղարվեստի դպրոց” ՀՈԱԿ-ում ուսումնական պրոցեսների առանձնահատկություններից ելնելով, աշխատանքների կազմակերպման համար հաճախ կարիք է լինում դյուրակիր համակարգչի: Ուսումնական պրոցեսներն ավելի արդյունավետ կազմակերպելու համար անհրաժեշտ է դպրոցին հատկացնել մեկ դյուրակիր համակարգիչ: Շուկայի ուսումնասիրությունից պարզվել է, որ դպրոցի կողմից ներկայացված տեխնիկապես անհրաժեշտ հզորության դյուրակիր համակարգչի ձեռք բերման համար շուկայական միջին արժեքը կազմում է առնվազն 305,0 հազար դրամ:

Մասիսի քաղաքապետի 11 մարտի 2021 թվականի թիվ 338-Ա որոշմամբ “Մասիս քաղաքի թիվ 3 մանկապարտեզ” ՀՈԱԿ-ի գործունեությունը դադարեցնելու և խմբերից մեկը “Մասիս քաղաքի թիվ 2 մանկապարտեզ, ՀՈԱԿ-ում տեղակայելու նպատակով անհրաժեշտություն է առաջացել ձեռք բերել թվով յոթ եռահարկ մահճակալներ, որի շուկայական արժեքը 75000 դրամ է, յոթ մահճակալի համար անհրաժեշտ կլինի բյուջեից հատկացնել 525000 դրամ:

Վերոնշյալ կապիտալ աշխատանքների իրականացման և հիմնական միջոցների ձեռք բերման համար համապատասխան բյուջետային ծրագրերով անհրաժեշտ է ընդհանուր՝ 28 831 350 դրամ, որը նպատակահարմար է հատկացնել 2021 թվականի համայնքի բյուջեի ֆոնդային մասի ընդհանուր բնույթի հանրային ծառայությունների վարչական սարքավորումներ հողվածով նախատեսված միջոցներից:

Մասիս քաղաքի համայնքային սեփականություն համարվող 88 միավոր հողերը աճուրդ-վաճառքով օտարելու համար անհրաժեշտություն է առաջացել օտարվող հողամասերի սահմանագծերը տեղանքում ակոսով սահմանագծելու, որի ծառայության համար անհրաժեշտ է 280,0 հազար դրամ:

Կադաստրի պետական կոմիտեում իրականացվել է համայնքների էլեկտրոնային քարտեզների թարմացում և արդիականացում: Համայնքում հողաշինարարական աշխատանքների արդյունավետ իրականացման համար անհրաժեշտություն է առաջացել ձեռք

բերելու համայնքի թարմացված էլեկտրոնային քարտեզ, որի համար անհրաժեշտ է բյուջեից հատկացնել 400,0 հազար դրամ:

Ավագանու նիստերի սեղանի արտադրական դիզայնը ամբողջական տեսքի բերելու, ավագանու նիստերի ժամանակ տեխնիկական սարքավորումները քողարկելու նպատակով անհրաժեշտ է այն ձևավորել ծաղկային դիզայնով, որի ծառայության շուկայական արժեքը կազմում է 300 000 դրամ:

Մասիս քաղաքային համայնքում գործող „Սևան,, մարզական ՀԿ դպրոցը դիմել է համայնքին աջակցության խնդրանք-նամակով՝ համայնքում սպորտը զարգացնելու, մասսայականացնելու նպատակով: Հաշվի առնելով այն հանգամանքը, որ 2020-21 թվականներին մարզադպրոցի մարզիկները գրանցել են մի շարք սպորտային հաջողություններ ՀՀ առաջնություններում, Եվրոպայի առաջնությունում, Աշխարհի գավաթի առաջնությունում, նվաճել են Օլիմպիական ուղեգիր՝ նպատակահարմար է հետագա հաջողությունների և սպորտը զարգացնելու նպատակով “Սևան” մարզական ՀԿ դպրոցին աջակցել 1000 000 դրամով:

Թիվ ՎԴ/0689/05/19 քաղաքացիական գործով կայացրած դատական վճռով՝ Մասիսի քաղաքապետարանը “Մասիսի բնակարանային կոմունալ տնտեսություն,, ԲԲ ընկերությանը պարտավոր է վերադարձնել 339552դրամ 70 լումա, որից՝ 4000 դրամ պետական տուրքի վճար, 150000 դրամ փաստաբանի խելամիտ վարձատրության գումար, 185552դրամ 70 լումա՝ ԱՄՄԲ-ԳՀԾՁԲ-19/2 պայմանագրի անբաժանելի մաս կազմող տուժանքի մասին համաձայնագրի վճարման պահանջագրով վճարված գումար:

Մասիսի քաղաքային համայնքի ղեկավարի 11 մարտի 2021 թվականի թիվ 338-Ա որոշմամբ դադարեցվել է 6 խմբով գործող “Մասիս քաղաքի թիվ 3 մանկապարտեզ” ՀՈԱԿ-ի գործունեությունը ք. Մասիս Ն/թ Ազատամարտիկների փողոց 27 հասցեում՝ մինչև մանկապարտեզի նոր շենքի կառուցումը և շահագործումը: Մանկապարտեզի աշխատանքները 3 խմբով տեղափոխվել է ք. Մասիս Դպրոցականների փողոց թիվ 3 հասցեում գտնվող “Մասիս քաղաքային համայնքի Թիվ 1 մանկարտեզ,, ՀՈԱԿ-ի ազատ մասնաշենք: Նույն որոշմամբ մանկապարտեզում գործող խմբերից 2-ը վերաբաշխվել է համայնքում գործող “Մասիս քաղաքային համայնքի թիվ 5 մանկապարտեզ,, ՀՈԱԿ-ին, խմբերից 1-ը՝ “Մասիս քաղաքային համայնքի թիվ 2 մանկապարտեզ,, ՀՈԱԿ-ին: Խմբերի վերաբաշխման և կառուցվածքային փոփոխության արդյունքում անհրաժեշտ է կատարել նախադպրոցական կրթության ծառայության դիմաց սուբսիդիայի ֆինանսավորման չափերի վերաբաշխում:

Առաջարկվում է “Մասիս քաղաքի Թիվ 3 մանկապարտեզ” ՀՈԱԿ-ի սուբսիդիայի տարեկան ֆինանսավորման չափը նվազեցնել 13 826 000 դրամի չափով, “Մասիս քաղաքի Թիվ 2 մանկապարտեզ” ՀՈԱԿ-ի սուբսիդիայի տարեկան ֆինանսավորման չափը ավելացնել

4 147 700 դրամով, “Մասիս քաղաքի Թիվ 5 մանկապարտեզ” ՀՈԱԿ-ի սուբսիդիայի տարեկան ֆինանսավորման չափը ավելացնել 9 678 300 դրամով:

“Ա. Բարաջանյանի անվան երաժշտական դպրոց” ՀՈԱԿ-ում դասավանդվող ազգային, լարային և փողային նվագարանների դասարաններում սովորող 15 աշակերտների անվճար ուսուցման համար 2021 թվականի բյուջեում նախատեսվել էր միջոցներ նախորդ տարվա պետական բյուջեից հատկացվող սուբվենցիայի չափով: 10/02/2021 թվականին կնքված սուբվենցիայի տրամադրման պայմանագրով գումարի չափը նախորդ տարվա համեմատ նվազել է 237100 դրամով: Անհրաժեշտ է բյուջեի եկամտային մասում նախատեսված պետական բյուջեից տրամադրվող սուբվենցիաները նվազեցնել 237100 դրամով, միաժամանակ նվազեցնելով համայնքի բյուջեի վարչական մասի պահուստային ֆոնդը:

ՏԵՂԵԿԱՆՔ

Իրավական ակտն ընդունելու դեպքում համայնքի բյուջեում եկամուտների կամ ծախսերի ավելացումների կամ նվազեցումների մասին

Բյուջեի վարչական մաս

h/h	բաժին	խումբ	դաս	Գործառական դասակարգում, նպատակ	հոդված	Ծախսեր / հազար դրամ/	Եկամուտներ /հազար դրամ/
1				Ընթացիկ սուբվենցիաներ համայնքներին. Բյուջեում նախատեսված Պետական բյուջեից հատկացվող ընթացիկ սուբվենցիաները նվազեցնել			-237.1
2	11	1	2	Պահուստային ֆոնդ. բյուջեի վարչական մասի պահուստային ֆոնդը նվազեցնել	4891	-2556.7	
3	01	6	1	Ընդհանուր բնույթի հանրային ծառայություններ. Մասնագիտական ծառայություններ հոդվածն ավելացնել՝ Քաղաքի թարմացված քարտեզ ձեռք բերելու համար	4241	400.0	
4	01	6	1	Ընդհանուր բնույթի հանրային ծառայություններ. Օտարվող հողամասերի սահմանագծերի հողային ակոսման ծառայություն	4239	280.0	

5	01	6	1	Ընդհանուր բնույթի հանրային ծառայություններ. Ավագանու նիստերի սեղանի ծաղկային դիզայնի ծառայություն	4239	300.0	
6	01	6	1	Ընդհանուր բնույթի հանրային ծառայություններ. ՎԴ/0689/05/19 դատական վճռի համաձայն գումարի վերադարձ	4823	339.6	
7	08	1	1	Հանգստի և սպորտի ծառայություններ. Սևան մարզական ՀԿ դպրոցին դրամական աջակցություն	4819	1000.0	
8	09	1	1	Նախադպրոցական կրթություն. Թիվ 3 մանկապարտեզ ՀՈԱԿ-ին հատկացվող սուսիդիայի չափը նվազեցնել	4511	-13826.0	
9	09	1	1	Նախադպրոցական կրթություն. Թիվ 2 մանկապարտեզ ՀՈԱԿ-ին հատկացվող սուսիդիայի չափը ավելացնել	4511	4147.7	
10	09	1	1	Նախադպրոցական կրթություն. Թիվ 5 մանկապարտեզ ՀՈԱԿ-ին հատկացվող սուսիդիայի չափը ավելացնել	4511	9678.3	
				Ընդամենը նվազեցում		-237.1	-237.1

2021 թվականի բյուջեի վարչական մասի եկամուտների և ծախսերի փոփոխությունների արդյունքում բյուջեի եկամուտները և ծախսերը կնվազեն 237.1 հազար դրամով:


Բյուջեի ֆոնդային մաս

h/h	բաժին	խումբ	դաս	Գործառական դասակարգում, նպատակ	հոդված	Ծախսեր Գումարի չափը /հազար դրամ/
1	1	6	1	Ընդհանուր բնույթի հանրային ծառայություններ. վարչական սարքավորումների ձեռք բերում հոդվածը պակասեցնել	5122	-28831.35
2	04	2	1	Գյուղատնտեսություն. Ինքնաշատրվանող հորերի հիմնանորոգման նախագծա-նախահաշվային աշխատանքների համար	5134	1000.00
3	04	5	1	Ճանապարհային տրանսպորտ. Մասիս քաղաքի փողոցների խճապատման և հարթեցման աշխատանքներ	5113	9986.90
4	06	1	1	Բնակարանային շինարարություն. Մասիս քաղաքի Նոր թաղամաս թիվ 3, 4, 5 շենքերի բակերի հիմնանորոգում	5113	4524.13
5	06	1	1	Բնակարանային շինարարություն. Մասիս քաղաքի բազմաբնակարան շենքերի բակերի խաղահրապարակների հիմնանորոգում	5113	12490.32

6	09	1	1	Նախադպրոցական կրթություն. Թիվ 2 մանկապարտեզի կարիքների համար մահճակալների ձեռք բերում	5122	525.00
7	09	5	1	Արտադպրոցական դաստիարակություն. Գեղարվեստի դպրոցի կարիքների համար դյուրակիր համակարգչի ձեռք բերում	5122	305.00
Ընդամենը նվազեցում, ավելացում						0.00

2021 թվականի բյուջեի ֆոնդային մասի ծախսերի վերաբաշխման արդյունքում ընդհանուր եկամուտները և ծախսերը չեն նվազի կամ ավելանա:

ԱՇԽԱՏԱԿԱԶՄԻ ՔԱՐՏՈՒՂԱՐ



Վ. ԳԱԲՐԻԵԼՅԱՆ

ՖԻՆԱՆՍԱԿԱՆ ԲԱԺՆԻ ՂԵՏ

Ն. ՍԱՀԱԿՅԱՆ